

四庫全書

子部

欽定四庫全書

子部
仁端錄卷十三

詳校官太醫院吏目臣周世泰

編修臣倉聖脈覆勘

總校官庶吉士臣何思鈞

校對官學正臣常循

謄錄監生臣徐元宸

欽定四庫全書

仁端錄卷十三

明 徐謙 撰

陳葵 刪定

痘瘡痛痒損破門

諸痛為實諸痒為虛實者邪氣實也虛者正氣虛也痘瘡先痛後痒者常候也先以毒未化太盛鬱而痛後以毒從膿解火漸微散而痒大法宜活血開鬱若肉如刀

割膚如錐刺此又脾傷肉敗痛之變也若爬搔破損皮脫肉坑者此又毒壅倒陷痒之變也

初出而痛發未盡也和解之

毒欲外出肌弮急而痛用九味順氣湯合活血散

皮肉厚外寒相搏而痛用桂枝葛根湯

既出稠密而痛者毒盛淤也用犀角消毒飲四物湯加

連翹防風牛蒡荆芥丹皮

起脹而痛者氣血充正欲化毒也用涼血芍藥湯

養漿而痛者一曰氣滯用保元湯加木香山查一曰血熱用升麻湯加連翹牛蒡紅花麥冬

痂疤痛以重手按之又不疼者虛也用八味湯加減

胃氣自虛津液內竭血失其榮氣灼為燥所以發痒補其氣血和中托裏此其治也大抵初出形色紅皃起發而皮嫩水多者其後多致痒塌大法當補氣以燥其濕如蚊虱吮血而肉痒是血失其榮之一驗

一種表裏皆虛而痒用白芍紅花白朮肉蓯蟬退蒺藜

一種血虛以致肝木易於生風而痒急以補血藥預防之

七日而大痒抓破者九日死矣所以發痒而精神爽快欲人撫摩痒處而即止者縱抓破而自知其悞者吉若搔之愈痒悶亂不寧搖頭扭頸手足舞亂禁之不止挖肉成坑如湯泡灼如剥鮮魚毒氣倒陷正氣外脫毒壅不解禍不旋踵

初見紅點遍身作痒者此毒氣欲出皮膚閉密火氣遊

移往來故也與傷寒太陽症身痒者同論宜察之使邪
氣得洩也用桂枝葛根湯加麻黃牛蒡或消風化毒湯
根窠不紅用助陽湯加紫草起脹作痒能食便秘者此
邪氣內實正氣外虛也用四聖解毒湯作痒瀉泄者此
正氣內虛邪氣外實也用調元湯托裏湯服後痒止者
吉不止者凶

三四日紅黑焦枯氣血凝滯而作痒者宜疎風解毒

凡痘始終忌痒漿期尤甚此表虛也須忌抓破正面洩

氣他處無大害膿厚者可治無膿者不救多血而淋漓者却又無妨血盛而痒不止者用保元湯加蟬退白芍木香紅花首烏大力子

發散太速肌肉空虛不勝其毒宜大補氣血則痒自止未破用奪痒法已破用敗草散

能食壯實無他症而痒者用四聖化毒湯

能食便堅抓破處復灌成漿無痘處添出贈痘雖盡痒破無妨用十全大補湯與苦參丸間服外塗百花膏合

滅癥救苦散

吐瀉少食氣血虛弱而痒者用十全大補湯加首烏虛甚加鹿角膠或木香異攻散參歸化毒湯內托散去肉桂加白芷當歸木香外敷敗草散天水散

梟痒用益脾散震澤湯外浴痒法避痒法

抓破無膿白乾如豆殼者凶

氣血則為麻為痒為陷血虛則為乾為燥為痛痘色白者必至於灰慘平伏痒塌此皆氣虛而不起脹血虛而

不榮華也補氣血藥中有熱者加清利解毒之品白可轉紅矣若單補氣而不補血則燥痒愈盛矣

紅痘皮色嬌嫩失於早治膿期發痒用消風化毒湯外用茵陳薰法破者用白龍散

泄瀉而痒乃脾虛也用參朮白朮散加殭蠶白芷外用薰法

精神虛弱小便利大便頻至夜痒甚者脾與氣血俱虛也用參苓內托散四君子湯加黃芪肉桂蟬脫白芷肉

菓或木香散

不能啖食而痒用蟬脫膏

頂平皮薄色淡搔痒損壞者乃脾胃弱肌肉虛欲變倒陷也用十全大補湯加荊芥防風外用茵陳薰法如得空處出贈痘破處復灌漿能食便調者可救否則不治一云漿滿而破損者可治未滿而破損者難治

若瘡破復灌隨漿隨灌其痂青白綠色堆如雞尿者終必咬牙寒戰十五六朝發喘渴三七日外死矣

黑陷不起在漿期最忌寒涼解毒以傷脾胃用內托散煎下無價散

凡肝經痘初熱時兩手如掐物狀多水泡而作痒宜先平肝用瀉青丸去大黃加甘草青皮柴胡若失於早治後作痒用保元湯加防風白芷

膿期血當化水水則成膿若未成膿則毒未化搔痒不寧此惡候也與傷寒陽明症皮中如虫行者同論乃虛風外搏邪氣內搖痒而不止為泄風是也須視乾濕紅

白瘡狀風藥佐之通用十全大補湯加防風大力子
卧房不密客冒風寒或一肢痒者用荆芥燒烟薰之
痘乾而痒宜養血潤燥用四物湯合消風化毒湯及薰
法

痘濕而痒宜養血去濕用四君子合消風化毒湯奪命
丹及薰法

色淡白而痒用內托四君子湯

色紅紫而痒其症煩渴便秘抓破血流乃氣虛血熱毒

盛也血之味醎熱則腫皮肉而痒也用四物湯加人參
黃芪丹皮連翹蟬退白芷甘草及三味消毒飲加紫草
連翹

血流者用敗草散蕎麥麩炒黃土摻之乾則蜜水調滑
石末以潤之

能食便秘用加味四聖解毒湯外用槐柳浴法

所云拆破有血可治者蓋指未灌漿時言也若成膿後
安得有血故不可以血之有無定吉凶也

八九日氣血虛而痒者用保元湯加川芎當歸蟬退白芷
陽瘡出血用當歸活血湯

將靨時其膿已成其痘將回邪氣解散正氣漸復榮衛
和暢新血作痒順症也與癰疽將愈而痒者同論但勿
令拆破

痂後有如萬蟻所攢亦即一時而已須稍耐之不必治
或用奪法

凡痘當將靨已靨因痒拆破者名壞症如靨疼口渴便

秘赤乃火症也。靨厚者單解火毒，靨薄者大補兼降火。遍身抓破者，不問前後，皆服蟬化散。外用敗荷葉茵陳薰之。

潰爛粘衣席者，用十全大補湯奪命丹，外用敗草散。抓破於無關轄處，或手足者，猶可救。若於顴臉氣窩正面，為臟腑精華所聚之處者，凶。

若於鼻面眉目抓破一處者，此肺有熱也。用甘桔湯加牛蒡，痒即止者吉。

若滿面抓破而面上瘡痕隱然點點有起發之勢此猶可治急用內托散加蟬脫

日子多餘毒未盡而痒者血滯也用四物湯加連翹牛蒡

痂後疤紅而痒必致再發

觸犯穢氣食毒物而變灰黑白色發痒者初標時用通氣飲漿痂時用正氣飲未破者用荊芥薰之已破者用內托散薰辟穢散敷敗草散

食毒物而發中氣以致津液外行發為血泡水泡氣勢
虛甚水遺肉分溢滯難行作痒不已抓損皮肉如湯火
瘡者不治

凡虛痘作痒元氣不充也行漿不滿之故若半漿痒者
可救用人參附子黃芪芍藥升麻之屬如空囊而焦黑
者不治

治案

一痘初起作痒風寒外滯也用升麻葛根湯燂以焙荊

芥穗而愈

一痘起脹淡白少神澹泄口渴而痒此脾胃虛弱也用補中益氣湯去當歸加肉桂附子占米而愈

一痘成漿痒破是衛氣暴泄津液不榮幸能食便調用四君子湯加川芎芍藥橘紅復腫灌結痂而愈

一痘九日漿清作痒大補氣血而愈

一痘成漿痒破潰爛乃濕火并至也調脾滲濕而愈

一痘見七日至十二日痒塌用木香散加丁香肉桂固

表裏而愈

一痘六七日痛不止此毒未化正鬱而作痛也非虛非實不須治之俟膿從毒化其痛自止

助陽湯

紫草 木通 枳殼 黃芪 桂枝 大黃

調元托裏湯

人參 黃芪 荊芥 防風 訶子 木香 陳皮

赤芍 桂枝 羌活

奪痒法

花椒 滑石 絹袋盛 按摩痒處 能奪其痒

四聖化毒湯

木通 官桂 赤芍 防風

四聖解毒湯

紫草 木通 枳殼 黃芪 桂枝 大黃

苦參丸

苦參 白蒺藜 牛蒡子 首烏 荆芥酒為丸

滅癰救苦散

蜜陀僧 滑石 白芷共為末乾摻又可蜜水調敷

參芪內托散

人參 黃芪 當歸 川芎 防風 厚朴 桔梗

白芷 官桂 木香 粘米

白龍散

風露久乾牛屎煨取中心白者敷之

參歸化毒湯

人參 當歸 黃芪 白朮 赤芍 桂枝 甘草
益脾散

升麻 芍藥 蟬脫 防風 白朮 甘草 生地
荊芥 腹皮 陳皮 殭蠶

震澤湯

黃芪 芍藥 防風 荊芥 生地

治痒法

經霜桑葉 蘇葉 升麻 防風 荊芥

又方

升麻 蒼朮 槐花 柳枝 桑枝 麻黃

辟瘴方

鐵器燒紅淬好醋中使氣通房中能止瘴

消風化毒湯

荊芥 防風 升麻 葛根 白芍 牛蒡 蟬脫

紫草一方去葛根蟬脫用黃芪桂枝甘草薄荷

薰法

茵陳 艾共撚薰之

又方

桔梗 紫草染綿紙上捲桔梗外撚薰之

瀉青丸

羌活 大黃 川芎 龍膽草 當歸 山梔 防風

蜜丸

奪命丹

麻黃 蜜酒炒黑升麻 人中黃 山豆根 紅花

牛蒡 連翹 蟬脫 紫草酒蜜為丸硃砂為衣薄荷

湯下

當歸活血湯 治抓破出血

當歸 生地 紅花 地骨皮 牛蒡 連翹 甘草

人參 黃栢

通氣飲 治臁瘡

元參 當歸 紅花 連翹 銀花 蟬脫 砂仁

殭蠶 地膚子

正氣散 治虛痒

人參 黃芪 蟬脫 當歸 紅花 廣皮 寒症加白
朮肉桂附子

刺痒法

荊芥穗為末紙裏搓緊焙乾點火掐隱刺痒處即止
摻方

氣虛用白芨末 松花末 螺蛳殼末 敗草末

血熱用六一散 蛤蜊粉 白龍散

吐瀉並作及吐蛔瀉蛔門

嘔吐暴瀉皆屬於熱三焦傳化失常火性迅急故也邪在上焦但吐而不利在下焦但利而不吐在中焦則吐利並作須分析寒熱及吐利所出之物又審病者精神衰旺而治

初熱自汗自吐自瀉者未可亂治謂其毒從上下而出吐利中有疏通之義也但只可三日內便止或吐瀉後覺精神不減為吉不可多日致傷元氣若久而不止須

審治之若中氣一虛毒不能出內攻之禍立至矣

初熱自利青綠水或黃色臭穢口渴煩躁者用黃芩湯
竹葉石膏湯兼吐酸利而有聲者用黃芩半夏湯或紫
草湯加砂仁薑製黃連陳皮

若兼手足心熱身熱溺赤液下有汗渴而喜乳吐乳如
射喜冷飲者用四苓散加黃連木通淡竹葉或六一散
若此等實熱吐瀉誤用補澁溫藥必反增內熱矣

直屬火盛迫於上下而吐瀉者用連翹黃芩牛蒡山查

枳殼

若痘齊以至收痂未滿百日熱渴咽痛吐瀉者並用陳米湯

若吐清水利下清白不臭口氣冷不渴飲食少身與手足俱冷脈沉細者虛寒也用和中湯益黃散甚則補中益氣湯加生薑肉桂或藿香正氣散合五苓散加砂仁或參苓白朮散

久瀉食不化者用豆蔻丸加山查神麴瀉止用調中湯

若失治則胃虛毒愈陷矣

身痛吐瀉者用四苓散加羌活柴胡藿香砂仁

胸腹痛甚而吐瀉感寒停食也用升消平胃散

痘見標吐瀉不止用人參調中湯和中湯七味豆蔻丸
吐瀉少食為裏虛陷伏倒陷灰白為表虛俱見全者為
表裏俱虛通用十二味異攻散表虛去豆蔻裏虛去肉桂
吐瀉蛔虫

初吐二三條無害吐多則凶吐瀉喘渴蛔蟲已出目直

視下利腸垢者死蛔生者可治蛔死者不救

三日已前熱毒內攻腸胃不能容蛔而出痘色明潤宜
安蛔疎邪用平胃散加烏梅史君子川連防風
痘色焦紫稠密者危

五六日後根窠微紅蛔出者多脾虛也用保元湯加肉
桂或伏龍肝泡湯煎藥或沖烏梅生薑汁
十三四日瀉出蛔多者凶吐出蛔多者死

治案

一痘不易出吐瀉不已此虛症也宜溫補兼升發用透肌散六君子湯加升麻蟬脫生薑肉桂大棗陳米而愈以其熱靜痘嬌也若執痘未齊而不補真元反致陷伏矣一痘後吐瀉似乎霍亂此外感兼內傷也用藿香正氣散藿香五苓散然而更宜詳者此症因兼暑食用加味二陳湯而愈

一痘起脹吐蛔乃胃熱不能食虫為熱迫但聞食氣則上湧出用安蛔湯而愈然多有不治者痘雖勻朗漿半

足若久不食而眼割不止者土虛而木乘之必至腫消
目開倒陷而死

一痘後吐蛔乃氣血虛無穀食以養蛔求食而出也用
二陳湯加連翹芍藥生薑大棗而愈

黃芩湯

白芍

六錢

黃芩

一錢五分

炙甘草

一錢

加大棗

黃芩半夏湯

白芍

二錢

黃芩

一錢五分

炙甘草

半夏

各一錢

生薑

四苓散

茯苓 猪苓 白朮 澤瀉

和中湯

人參 甘草 茯苓 各五分 白朮 七分 半夏 八分 陳皮 砂仁

藿香 各一錢

理中湯

人參 白朮 乾薑 甘草

藿香正氣散

藿香 紫蘇 腹皮 陳皮 桔梗 甘草 茯苓

半夏 厚朴 白芷

豆蔻丸

木香 砂仁 龍骨 訶子 枯礬 赤石脂 肉蓯

黃連止蛔湯

人參 白朮 黃芩 黃連 烏梅

泄瀉及下痢膿血水穀洩屁門

陽氣在下則生滲泄濕勝則濡泄諸病水液清冷皆屬

於寒又曰瀉青白為寒瀉紅黃為熱瀉黑色者臟腑壞
又曰初時瀉黑為熱漿痼時瀉黑是腎泄也凡六腑氣
絕於外者手足寒五臟氣絕於內者則不止五奪之中
此為最甚故痘瘡大忌內虛泄瀉也

初出及收靨時偶泄不妨起脹灌漿時大忌泄瀉須急
治之正氣內脫者淹延而死邪氣內陷者煩渴而死
陳文秀曰痘疹泄多內耗精液氣血不榮痘雖起發亦
不能靨若身溫腹脹咬牙喘渴者難治因水穀去多津

液枯竭引飲不止蕩散真火也速與木香散異攻散

薛理齋曰前症若兼手足冷面青白屬虛寒者急用木香散陽氣脫陷急用異攻散瀉下水穀或白或黃急用木香送一分七味豆蔻丸

若唇青指冷睡而露睛口鼻氣冷瀉青白色腎氣虛寒也用六君子湯加骨脂豆蔻臟寒下利不渴用四君子湯加乾薑身涼渴虛也用理中湯加風藥升提瀉而渴不止者用黃芩芍藥湯甚則豆蔻丸

脾氣虛弱用六君子湯

血氣虛弱用八珍湯十全大補湯

身熱頰赤睡不露睛瀉黃赤色脾經實熱也用瀉黃湯
一云痘家瀉多因熱毒蘊於腸胃故投以熱劑則瀉尤
甚雖用燥濕健脾之藥亦不能止如二朮二苓訶子之
類比之夏月伏暑多瀉者溫熱補澁之藥不相宜也宜
用茯苓黃連猪苓白朮蒼朮扁豆山藥以仁滲濕健脾
一服而止再用升提痘毒出外若竟以瀉藥治之恐毒

不能生發必致倒塌已出未出俱不可溫塞遺害至七八日宜補而止

錢氏云黑陷青紫者用百祥丸下之不黑者禁用其所下者膀胱之邪也又云下後身熱氣溫欲飲水者可治水穀不消或寒戰者為逆乃知脾土强者可以制腎水也朱丹溪以百祥丸太峻用宣風散代之

瀉後溫脾用人參白朮厚朴木香脾土既溫胃氣隨轉胃主肌肉能制已瀉之腎此錢氏秘旨也

凡傷食泄瀉酸臭不化宜先去積用丁香脾積丸隨用
補脾益黃散

凡濕勝濡瀉者宜溫中滲水用理中丸兼五苓散

痘未出而泄瀉腹中不痛原無內傷也此毒氣內動與
外邪搏激傳化失常名曰陽泄陽氣在下則生滲泄也
誤止必變重矣但用輕揚拔毒升發之劑其瀉自止黃
芩湯或合升麻湯

瀉下黃赤肛門如火熱小便赤澀身熱而渴脈洪數者

用四苓散加木通或柴苓湯

瀉至四五日不止者須見清水方可用止藥用至寶飲
加訶子

陽熱甚而泄瀉譫妄者用辰砂五苓散

脾胃素弱餘食不化自利清白者用木苓調脾散四君
子湯豆蔻理中湯

初泄瀉黑水宜從火治用黃芩之類

起脹泄瀉若能食者大便欲其常潤則臟腑流利氣血

和平不可妄用溫補反增內熱

若脾胃怯弱神倦少食其瀉為虛治宜溫養用益黃散
若身熱中滿渴而能食者其瀉為實宜清利之用五苓
散

若手足冷滑利清白痘色白者其瀉為寒用參朮散益
黃散豆蔻丸理中湯七味豆蔻丸木香異攻散

手足心熱渴而面赤利下黃臭小便赤澀痘紅掀發者
其瀉為熱用黃芩五苓散或加減四苓散胃苓中和湯

痘從見點起發以來元自忌瀉恐裏虛毒不得出反成陷也七日成漿尤大忌前此病淺而脾胃尚強至此病深而脾胃已弱若又泄瀉是僅存之元氣重竭於內而方張之邪毒難化於外脾虛不能運毒肺虛不能排膿必痒塌倒陷寒戰咬牙而死矣故泄瀉能食者可救不食者難保所謂漿粥進泄瀉止虛者可治也急宜助脾化漿而兼舉發用保元湯異攻散或豆蔻丸然須審別不可槩用止瀉

協熱而瀉者必腸垢宜清通之用香連化毒湯

協寒而瀉者必驚澹宜溫澀之用理中化毒湯輕者用人參白朮散去葛根加木香黃芪肉桂甚則木香異攻散肉豆蔻丸並進

內傷生冷致渴而瀉用人參黃芪山查白朮豆蔻訶子肉桂澤瀉

內蓄水飲過多口渴而瀉清水者待其自愈水盡則止誤澀反凶

漿靨期內瀉黑水者腎泄也用無上飲加畢撥骨脂
陰瀉者亦水瀉也下清水白沫完穀不化身涼不渴小
便白此虛寒也用理中湯兼渴者加人參去乾薑或豆
蔻丸止之

身熱痘多元氣不勝其毒雖上攻扶其起灌至半氣竭
必瀉色如松花乃土之正色中氣甚矣用無上飲加人
參黃芪山藥訶子蓮肉

虛而痘陷者用保元湯加訶子丁香

痘自見點至收痂有瀉皆從虛治邪既併於外則裏自虛故作瀉用理中湯若又不止用木香散異攻散兼豆蔻丸瀉之

痘後泄瀉餘毒入大腸而瀉屬火急欲如廁者自行不止不必瀉止惟元氣不足者補之

食少不渴脈微細者裏氣虛不能禁錮水穀也用四君子湯加訶子豆蔻或理中丸加熟地附子或五苓散肉蔻丸止之水穀不分者為逆候亦用理中湯肉蔻丸四

苓散

能食熱渴脈盛而瀉亦熱入大腸熱邪不殺穀也用黃
芩湯加黃連白虎湯合四苓散

痘中洩屁此脾胃弱穀氣虛故頻頻撒屁最忌以洩其
氣也用參苓內托散加升麻防風

凡參芪肉蓯朮苓木香輩但能止瀉補脾惟加砂仁一
二粒能止撒屁腸鳴滑瀉驚瀉俱宜補胃不可單用消
導膩濕之藥惟痘陷者難治

利下膿血未收靨以前者為倒靨收靨以後者為痘痢
故起脹時其人臟氣自脫或過服寒涼致毒陷入大腸
瀉如豆汁黑汁或膿血口臭唇焦目開脹消者死

漿期而利膿血者因痘不收毒不得留乃從大便而出
此倒靨也中氣充實者不妨泄盡自愈誤瀉反害

有倒靨雖黑陷而為順者以能食脾強而腎弱土足以
制水故也若乳食不消下痢不化是脾虛為逆候

痂後遺下膿血者熱毒遺於大腸也勿作倒靨及誤用

劫塞藥此名痘痢又名滯下必腸鳴腹痛裏急後重如
雜症痢疾之素有積熱因氣血衰不能運化而成積同
論用四物湯加枳殼荊芥黃芩黃連或黃連解毒湯加
生地膿血已盡用和中湯

若大孔如筒垢如魚腸者不治

大抵紅積屬熱白積屬寒治宜溫補轉白為紅用酒製
黃連腹痛加檳榔餘毒加石蓮

痘痢比雜症痢不同大忌下藥如巴豆大黃芒硝之類

須提正氣以扶元使痘不下陷用保元湯加升麻

丹溪云赤痢屬血自小腸來白痢屬氣自大腸來然皆濕熱鬱於大腸有傷氣血也但痘疹以氣血為主又不
可令其受傷於熱毒也

紅痢用四物湯加黃芩黃連木香炙甘草或黃芩芍藥
湯

白痢用四君子湯加黃連木香陳皮滑石或厚朴黃連
湯

紅白相兼並用香連丸黃連橘皮湯

腹痛本方加當歸砂仁木香白芍厚朴

後重本方加枳殼黃芩生白芍木香升麻炒滑石

虛者用補中益氣湯

久不愈紅痢加阿膠黑薑白朮白痢加黃芪砂仁甘草
夾食積者加山查麥芽

過傷飲食熱毒乘虛入裏下膿血者名腸垢先用調胃
承氣湯次用黃芩湯

冷熱不和餘毒未解或傷食所致不問紅白並用和中湯或四君子湯再不止用豆蔻丸香連丸

痘未滿月痂未盡落泄瀉而兼利下膿血者用香薷丸灸臍上七壯膿血黃白者用薤白湯胃風湯

小便赤澀煩渴者用犀角地黄湯導赤散

挾外感者用小柴胡湯加蒼朮川芎芍藥生薑

水穀不分裏急後重者用四製朮附散或陳皮甘草甘菊白芍木香山藥肉蓯蓉赤痢加黃連生地地榆沒仁白

痢加木通扁豆泄不止加人參訶子噤口用蓮肉散加
川椒人乳

錢氏曰痘瘡自內出外者曰正出自外而內者曰倒陷
從外收曰正靨從內收曰倒靨倒陷者必死倒靨者十
救二三故豆黑而忽自瀉或下膿血痂皮者為順此倒
靨也痘黑本死症裏實者下之用百祥丸或宣風散加
青皮若不急下轉增煩悶而死若忽自瀉火性急速故
暴注而下然下之中火亦少洩矣便膿血者亦內潰其

邪也瀉痼皮者內靨自出也此皆脾強腎弱土可制水故順泄瀉水穀不消為逆邪在臟腑不得從腸胃出今去者是腸胃之水穀其不消化非寒也乃邪熱不殺穀火迫之而遽出也此皆腎強脾弱土不能制水故逆

蓋脾主運化腎主閉藏腎若受邪則不能閉藏而泛濫土亦不安其位安能制水故五虛以瀉為最重無不喪元氣者全在能食腎旺或可望生

治案

一兒甫半歲身熱即見痘皆以樹心花多頂平脚塌根
窠澆薄為十死一生之症擬以六朝多人參附子施
季泉曰此險症發痒必甚須看守嚴密竟用涼藥與前
論大異七朝果發痒乳藥湯飲傾注而不變色季泉加
炒黑黃連而瀉止十三朝復發痒口渴唇焦舌生白胎
仍用炒黑黃連而胎渴愈十九朝季泉別而誠曰慎防
發疔疔必發腦後頂骨間待自潰以收口膏貼禁用
搽藥口疔只用人中白散又授餘毒一方

詳痘毒門

前後毫

不用補何其識明而見確也

一兒痘瀉投以升瀝藥不效黃綺雲用酒炒白芍三兩煎服即止此脾虛有熱也

一痘虛寒將行漿時作瀉用炒蓮肉一兩雲南真鴉片五分共為末米湯下三分至五分其瀉立止虛瘡煩瀉保元湯不可用

一血熱兼氣虛痘先用解毒藥毒消忽瀉痘漸平塌繆仲淳以炒蓮肉五分真鴉片半分米湯下立止王宇泰

復用人參二兩黃芪三兩鹿茸三錢煎服補其元氣漿
頓足而愈蓋因先解毒盡故可補而無他症

一痘後脾虛作瀉用蓮肉人參黃芪五味山萸肉扁豆
白朮棗肉為丸薑湯下此方移治老年腎氣衰弱而脾
虛泄瀉者大効

一女痘後泄瀉亦以蓮肉鴉片治之不止更以蓮肉粘
米煮粥服之而愈

一痘密發透但八朝頭面胸背有漿惟手足止有青泡

有用人參黃芪沙仁桔梗連翹而腸鳴不食身熱而嘔
大便頻屁急用當歸芍藥山查陳皮砂仁麥冬防風白
朮茯苓石膏山豆根便製人參消解之藥而愈

一痘起脹時忽瀉赤色而稠根窠堅突便秘六日矣此
血熱毒壅宜瀉其毒只用清解主人恐耗元氣用豆蔻
丸保元湯加肉桂肉蓯蓉雖收而目腫赤四肢發癰乃
用清解究竟損一目廢一肢有同此症用犀角地黃湯
加木通桔梗川芎提之而愈

一痘早起飲食不化此脾腎不足也用四君子湯加補
骨脂肉蓯又朝服四神丸夜服四苓白朮散而愈

一痘隱隱不見面白神疲微熱滲泄此脾虛不能送毒
也用異攻散加升麻川芎木通蟬脫陳米瀉止痘發用
補中益氣湯調理而愈

一痘六朝不起脹灰白昏睡用四牙散木香散發之而
愈

一痘泄瀉藥石不化此脾虛也用參苓白朮散訶附丸

而愈

一痘後脾虛泄瀉不已用四君子湯加升麻防風肉蓯
又肉豆蔻丸而愈

一痘羸瘦枯槁溏泄不已咸謂脾弱用理中湯小異攻
散六君子湯皆不效者因其母乳弱也易乳而安
一痘後滲瀉此邪熱不殺穀也用六君子湯而愈

一痘後溺赤溏瀉色黃如糜此腸中煎燂積熱也以五
苓散加車前黃連神麴麥芽查肉而愈

一痘後傷食傷暑而瀉用四苓散合香薷飲加神麴麥芽查肉而愈

一痘後暑月泄瀉腹如雷鳴服調脾藥不效此腸風食泄也用葛根湯加防風肉桂煨薑得微汗而愈

一痘未發盡利下赤白此血熱痘有壅積也以葛根升麻湯加川芎當歸山查麥芽蟬退稍減而目赤溺數又用犀角地黄湯補中益氣湯而愈

一冬月先瀉數日而後見標用升發之藥不效色淡白

少神脈浮大無根大虛症也用附子理中湯日進二服
痢減痘紅脈始有根然飲食不進用補中益氣湯加桂枝
炮薑遂能食安寢但完穀不化痼不易結用小異攻散
加芍藥木香散參苓白朮散而愈

一暑月六朝利下黃赤膿血壯熱煩渴此毒留大腸也
用三黃丸兼補中益氣湯而愈一症同而不治日久倒
陷而死

一僭期而利水穀不分完穀不化用參苓白朮散加豆

菴獨參湯而愈

一痘後痢下蛔虫此熱迫之也用人參半夏芍藥烏梅
川椒生薑大棗而愈

一痘後患痢裏急後重聞藥食而嘔此病邪雖實而胃
氣受傷多矣當先補後攻用小異攻散加芍藥而嘔止
食進次用木香檳榔丸去積又用調中丸而愈

一痘後初秋痢下白積身熱腸痛嘔噦不食此濕熱淤
積兼胃受寒邪也用理中湯加防風一服而嘔止又用

平胃散加木香黃連葛根山查而愈

一痘後痢下赤白能食而不化此胃熱而脾虛也恣食
不節遂致不救

一痘後暑痢用保和丸香薷飲間服而愈

一痘後噤口痢用人參陳皮黃連石蓮肉桔梗胃風湯
調理而愈

一痘後痢久不止積未盡而中氣不足用人參白朮白
芍升麻甘草陳米大固中氣而愈

陳氏木香散

木香 腹皮 人參 肉桂 半夏 青皮 赤茯苓

前胡 訶子 甘草 丁香

陳氏異攻散

木香 當歸 茯苓 各三錢五分 人參 陳皮 丁香 肉

菖 白朮 厚朴 附子 各二錢五分 初服不用附子理虛

泄甚者加之

七味豆蔻丸

木香 砂仁 龍骨 附子 肉蓯錢各五 赤石脂 枯

礬

錢各七

麴糊為丸如黍米大每歲服二十九米湯下一

方加牡蠣

理中湯

甘草 白朮 人參 乾薑

百祥丸

紅牙大戟用漿水煮極軟去膏曬乾復入前汁收乾再
焙為末丸如黍米大芝蔴湯下每服三十九

宣風散

檳榔

廣皮

錢各二

甘草

黑丑頭末

錢各一

丁香脾積丸

三稜蓬朮

木香

丁香

錢各五

烏梅皮

牙皂灰

錢各三

錢

巴豆

九四十粒

黃芩湯

黃芩

白芍

甘草

加味四苓散

猪苓 澤瀉 木通 茯苓 車前 牛蒡 黃連
木苓調脾散

香附 厚朴 煨薑 白朮 茯苓 白芍 神麴
甘草 砂仁 扁豆 人參

益黃散

廣皮 訶子 炙甘草 丁香

參朮散

人參 白朮 茯苓 砂仁 甘草 苡仁 蓮肉

山查 肉果 訶子 橘紅 木香米湯送下

胃苓中和湯

猪苓 澤瀉 木通 白朮 茯苓 廣皮 甘草

黃連 訶子 升麻 木香 藿香 粳米

香連化毒湯

木香 黃連 猪苓 白朮 甘草

理中化毒湯

人參 白朮 茯苓 甘草 生薑

七神丸 治腎瀉

肉蓯 骨脂 人參 麥芽薑煮棗肉為丸每一錢參湯下

奪命丹 治寒瀉不止

人參 黃芪 石菖蒲 紅花 當歸 補骨脂 川芎 山藥 茯苓 附子 防風 官桂 丁香 茯苓 神 乾薑

厚脾散

赤石脂 龍骨 枯礬 苡仁 山藥 扁豆

加味參苓白朮散

人參 茯苓 白朮 山藥 赤茯苓 猪苓 澤瀉

苡仁 炙黃芪

堅腸湯

黃芪 白朮 肉蓯 山查 川芎 陳皮 升麻

固本丸

沒石子 升麻 臍帶米糊為丸保元湯下

四製朮附丸

香附 白朮

各四錢

俱酒醋薑汁童便製為末米糊調下

燒針丸

枯礬 黃丹用薑煮棗肉為丸臨用以針刺於燈上燒

紅五苓湯送下

香連丸

黃連 吳茱萸 石蓮肉 木香 廣皮 醋調神麴

麴糊為丸

秘要神應丸

黃連

三兩

先用薑汁浸透後以陳壁泥先炒黑隔紙於泥

上焙連焦乾如此炒浸七次以黑為度泔水浸炒蒼朮

二兩水飛滑石

一兩

麴炒檳榔

一兩

枳實

半兩

薑煮半夏

半兩

童便

浸煮香附

半兩

薑汁炒厚朴

一兩

土炒茱萸

一兩

薑汁糊丸每

服三錢至五錢

加減神應丸

薑製厚朴

八分

橘紅

當歸

製半夏

各一錢

製蒼朮

檳

榔

炒枳殼

各七分

薑製黃連

一分錢五分

藿香

砂仁

甘草

後重加酒炒芍藥童便製香附赤痢加酒炒黃芩白痢加桑皮紅白兼者加黃芩桑白白轉紅者加酒炒芍藥黃芩白朮砂仁檳榔臭氣重者加連翹枳殼水煎服

寒戰咬牙門

寒戰咬牙有寒熱之異當審痘期前後痘色紅白二便秘利脈來遲數而後為熱為寒施治無誤大抵火則清之虛則補之感冒則發散之一症獨見可治並見不治發

於七日前易治七日後難治

寒症

痘色青白皮薄頂陷身涼神靜二便清滑舌無胎口不
渴脈沉遲者寒症也元氣虛胃氣寒則為咬牙肺虛寒
則為寒戰法宜溫補用保元湯加川芎當歸生薑肉桂
丁香附子或異攻散泄瀉加肉菓

見於養漿時者必虛寒也七八日前尚有屬熱者七八
日後屬寒者多矣用催蟄丹滴滴金

見於八九日內者必背陽而反入於陰宜大補之用建

中湯

寒戰用獨附湯養胃化毒湯

咬牙用清神化毒湯

熱症

痘色紅紫焦黑齊湧掀發壯熱煩躁口渴二便秘澀脈洪數者皆火邪有餘熱症也胃熱則咬牙肺熱則寒戰總之陰不勝陽激之反為寒戰咬牙也法宜清解用四

物湯合黃連解毒湯加升麻連翹石膏木通麥冬便秘
加大黃

見於初出時者

缺

見於痘後者屬虛無疑雖有小熱乃餘毒也宜清解兼補

寒戰用

缺

咬牙用

缺

寒戰

元氣虧侵邪毒內攻邪正相搏而戰動也須看日期辨

之五日戰者死七日戰者變候八九日戰者危大抵熱極須解肌無熱須引表耳

初熱時寒戰如瘡者因榮衛虛弱不能逼毒快出留滯經絡與五氣相爭振振搖動火之象也用紫葛桂枝湯痘出則定

發熱時唇不紅脈不大析析惡寒之狀間作乾嘔此表氣素虛毒難出也慎勿解表以成虛弱之禍宜和之用參蘇飲痘出則定

起脹後痘密番掀腫痛經絡動搖振寒者非寒戰也膿
成痛去而自解

灌漿時寒戰亦有虛寒虛熱之不同若痘色果係虛寒
者用養胃化毒湯異攻散人牙散

結痂時暫戰暫止口中不叫目不直豎手肢戰動上不
干頭中不犯身者可治若遍身戰動頭頸轉搖不歇眼
白肩聳弄舌者此五氣已絕不治之症

三日前火毒太甚痘色紅紫熱極似寒而戰

灌膿時經脈血耗不能榮養手足跳肉自動者名肉瞤
筋惕亦非寒戰也宜養榮血用十全大補湯

痘白寒戰用田單火牛湯

脾虛作戰根顆明淨勻朗但因脾虛不能傳導以致所
勝之水自侮作戰也用茯苓澤瀉荊芥防風黃芩連翹
木通之類

咬牙

上齦屬胃亦屬於心靜而不易下齦屬大腸亦屬於脾

動而不倚腎既主骨則牙齒亦主腎也痘伏於腎而發
腎涸其源淫火上炎土失其養水不能制則咬牙矣咬
於左魚治肝咬於右魚治肺咬於中而無聲宜理脾胃
益三陰

一二日咬牙非灌膿時可比

三日以前咬牙心毒不發宜瀉心火解毒疎風用清神
解毒湯如根顆紅紫毒氣內拒宜涼血解毒如久病面
青色黃體弱根顆淡白者乃虛寒也

四五日咬牙毒陷於內也

七八日咬牙若根顆略有紅赤必乘其瘡勢舉發之單
用保元湯加川芎當歸

十一二日咬牙此時毒氣入內雖為常候亦須調脾解
毒

單見咬牙戛戛有聲者腎火也用知母黃柏

咬牙魚呵欠者肝虛也陽引而上陰引而下故呵欠也
陽極而上陰極而下則合而嚙齒咬牙也用十全大補

湯

咬牙魚上攏者心熱也心火上炎故攏視也火氣動搖故咬牙也用導赤散加連翹牛蒡

咬牙魚煩悶呵欠者風熱所致也用羌活湯

疤後咬牙魚弄舌妄言者用硃砂六一散用冰片少許夢中咬牙如鋸不絕如徹索者或睜目舌短咬牙者或咬牙一時即搖頭一時者或肚腹瑟瑟咬牙者皆不治之症

痘出潰爛而咬牙者蓋熱勝則腐敗火旺則動搖心熱也法宜清之

瘡本焦黑而寒戰咬牙者腎之變動相干也治宜溫之

治案

一痘六七日不起脹寒戰咬牙腹脹氣急用奇功散補中益氣湯而愈

一痘未發時寒戰咬牙此邪正交爭欲出不出也用升麻葛根湯加人參防風桂枝及補中益氣湯而愈

一痘未出齊而手足搖動以異攻散投之而更甚此假
寒實熱木氣太過而蕪火犯也宜平肝制火用升麻葛
根湯加川芎柴胡防風而愈

一痘發熱時咬牙攢目乃心熱甚也用升麻葛根湯加
赤散而愈

一痘發熱時悶瞤咬牙乃肝經熱風也用羌活湯加葛
根芍藥而愈

催蟄丹

虎牙 人牙 各酥炙 人參 丁香共為末

滴滴金

狗頭去肉酥炙為末酒煎

獨附湯

附子便製加燈心水煎

養胃化毒湯


人參 黃芪

清神化毒湯

升麻 生地 木通 甘草 防風 麥冬

田單火牛湯

人參 黃芪 附子 蓼子 穿山甲 當歸 橘紅



仁端錄卷十三

欽定四庫全書

子部
仁端錄卷十四

詳校官太醫院吏目臣周世泰

編修臣倉聖脈覆勘

總校官庶吉士臣何思鈞

校對官學正臣常 循

謄錄監生臣徐元宸

欽定四庫全書

仁端錄卷十四

明 徐謙 撰

陳葵 刪定

倒伏倒陷倒靨乾枯門

凡痘內者不出曰伏毒出而復入曰倒伏膿未成而塌陷曰倒陷膿已成而化水曰倒靨皆為惡候大抵倒伏倒陷屬內虛倒靨屬外感而陷則有五紫陷黑陷則熱

邪凝滯為有餘之候及陷白陷血陷則血氣虛虧為不足之症有餘者多可救不足者多難治

倒伏

凡痘見標熱不少減煩渴躁悶此皆伏毒未盡將欲成漿而依舊平塌乾枯空虛此膿根在內毒伏不出曰倒伏雖是熱毒壅遏或風寒外蔽或飲食內凝或元氣不振須審之用雙解散

倒陷

痘出齊而失治則五陷俱作玉髓云痘為火活則燄揚正赤死則消光絕燄變黑成灰皆火之化也

凡痘密毒盛初色深紅而頂陷者必先紫陷後變黑陷而至於乾枯皆毒熱熾盛蔽其氣凝其血而陷也須涼血退熱為主觀勢之輕重或利二便或散解行血則氣自行頂雖平陷未可便以虛論若誤用參芪白朮補氣之藥則熱愈熾而血愈沸也

紫陷急用消毒活血湯一二劑立起轉色若至於黑則

毒深而難救

頂雖不陷然囊空漿清不光澤不充灌皆難收靨宜催足其漿用參歸鹿茸湯托膿食少厥冷加木香丁香肉桂寒戰咬牙加肉桂附子泄瀉去當歸加白朮酒芍茯苓丁香肉桂

痘密火盛氣血虛弱津液枯竭虛火煩渴咽痛臭衄弱人多有此症最難施治若用清涼之藥則氣血愈虧火毒愈熾須用參麥清補湯以上二症皆倒陷之漸也

灌期之初未盡成膿而鼻準眉心唇上耳上兩頰上一
二處先乾黃焦黑平塌者皆為倒陷未可認為正收欲
解毒恐傷中氣欲補中氣恐動火邪最難醫治惟服萬
密齋方服後乾者復灌或補贈痘則吉發癰者次之連
進三服不轉灌者死

倒陷而二便秘澀熱渴譫狂腹脹乃實邪壅遏侵蝕正
氣也用四順清涼飲合奪命丹

吐利倦嘔胃氣內虛四肢微厥不能運行榮衛而陷者

用十全大補湯合奪命丹回陽化毒湯外用胡荽酒水
楊湯浴法

吐瀉不止渴而引飲腹脹手足冷寒戰咬牙者乃正氣
虛不能勝邪而反陷也用快斑散勻氣散服後瀉止復
灌者生反加煩悶者死

漿已成而倒陷人事清爽飲食如常壯熱煩渴二便秘
澀者宜下之用承氣化斑湯

吐利頻數六脈微弱者宜溫之用回陽化毒湯

胡氏論黑陷發寒者重不發寒者輕其症有四一感冒風寒宜溫散二毒氣太重宜解毒利小便三內虛無陽宜溫理四穢氣觸犯宜薰解

發寒之症是脾土弱反為腎氣所凌錢氏用百祥丸以瀉膀胱之毒令陽氣復還脾土溫暖所謂膀胱邪去而水自勝也必痘至黑陷二便秘澀寒戰咬牙身黃腫紫者方可下之先下黑糞次下褐黃方用四君子湯補之良久得黃糞則自起灌轉色矣下後身溫欲飲水者可

治耳冷汗出水穀不消耳尻反熱者死下後脾不虛亦
不須補虛者用四君子湯加木香厚朴

痘不黑便不秘慎不可下莫如先保脾土救胃氣以制
水庶無黑陷發寒之症

肝熱發蒸或暴寒所折毒壅肌膚痘黑如痣通身或青
或紫肌厚肉密者用透肌散或紫背荷葉殭蠶牛蒡等
分為末羌萎酒下

瘡乾不熱黑陷便秘此熱在內也宜下之用大黃湯調

下宣風散身熱而表症未罷慎不可下

痘密內陷而色黑舌有黑色者宜清心火不黑者倍用黃連生地紫草犀角汁

氣虛毒不盡出而黑陷者用人參黃芩紫草

裏虛煩熱以致黑陷者宜大補之用八物湯去地黃之滯血去白芍之伐胃加木香以和胃氣

毒滯而變黑陷二便不通煩渴喘滿譫語用三乙承氣湯合涼膈散或山梔湯宣毒膏猪尾膏

將起發痘亦有水有色黑黯用十全大補湯調無價散
或快斑湯合奪命散

四圍有水但中心黑陷用臘脂塗法

起發有水頂平而黑宜涼血解毒外用臘脂塗法

乾黑根脚堅硬用四苓散銀針挑破臘脂調塗

渾身起發中有幾個黑陷者照常治法易愈

稠密不起發遍身黑陷者危症難治

皮肉不活脚根堅硬者死症不治

乾而不陷此初發時腠理閉密津液阻隔肌膚乾燥宜用輕揚之劑發之如升麻葛根連翹防風荊芥牛蒡麻黃元參之類

將成就之時氣血弱而毒盛津液少而乾燥者宜清之如升麻荊芥連翹麥冬黃芩生地犀角丹皮之屬

痘雖稠密色原淡白根無紅暈而頂平者白陷也必變灰慘至平塌倒入而為灰陷也此雖氣虛而血亦不能華色血亦虛也氣血虛不能運化毒氣以成漿其症必

魚噉嘔泄瀉不食身涼虛而且寒矣故補氣又宜補血
血活則氣行溫之則胃和暖榮衛流暢痘自起發變白
為紅若單補氣氣有餘便是火而血益燥竭必至發瘡
破損為不治之症用參歸鹿茸湯千金內托散補中益
氣湯合四物湯若有內熱加解藥或利小便

白陷抓破皮薄乾燥極痒者宜先補血用四物湯八珍
湯

因瀉久而灰陷黑陷者用木香快斑散理中湯

黑陷泄瀉下膿血痂皮分其吉凶如能食脾強能制水者順也若乳食不消水穀不化脾虛不能制者逆也

痘有粒頭通紅止成血泡而不成漿者此氣虛不能統血而血妄居氣位也即名嬌紅痘此症最險五日前多加防風白芷以救皮薄多人參黃芪茯苓白朮早為固脾以防作瀉如六日而尚紅不能紅白分光到底不能成漿八九日痒塌而成血陷矣血陷與紫陷大異紫陷屬熱氣粗身熱而色深紅而變紫血陷屬氣虛怯身

涼初色淡紅而變陷也始終宜大補氣氣充則能領血
自不妄溢而根紅頭白矣若認做血熱用涼血行血之
藥則氣愈虧而愈陷宜用參芪湯合白朮散初時早加
防風白芷川芎

痘本圓綻而忽陷此行漿之後氣陷而毒亦陷也如根
顆猶有血色附而成暈者可救用保元湯加白朮茯苓
豆蔻口渴用參苓白朮散

黑陷項強腹脹直視發搐喘急一切惡症當選用周天

散無比散獨聖散山梔湯宣毒膏倍金散硃砂散人牙
猪血散絲瓜化毒湯麻黃解毒湯紫草湯化下小靈丹
燈心湯化下大靈丹南金散猪尾膏等方

倒靨

痘已結痂熱毒能出或觸污穢之氣或被風寒閉塞肌
膚竅道血脈不行身體作毒或四肢微厥斑點不起或
變青紫黑色又有初標點小四五日漸大纔見頂陷六
七日脚漸潤愈陷其色全白如豆殼者均名倒靨亦宜

審別

內虛無陽必喜熱飲肢冷不食自利者虛寒也宜辛熱以補之用木香散異攻散

色如豆殼用人參歸芪湯去肉桂加連翹香附白芷原無泄瀉大便秘喜冷飲食腹脹喘渴手足熱乃陽旺實熱毒盛薄蝕元氣復入於裏也宜亟下之用排膿散三黃丸四順清涼飲失治益加喘滿躁悶而死矣毒盛入裏有宜解毒利小便者此毒猶不甚所謂小熱當

解毒大熱當利小便也

泄瀉水穀者腎強脾弱陽脫為逆也用木香豆蔻丸
外感風寒宜溫肌發散用參蘇飲小柴胡湯加紫草蟬
蛻人牙紫背荷葉殭蠶或人參羌活散獨味麻黃散白
花蛇散空殼無漿初宜涼血解毒使無乾漿之患六七
日若見皮膚枯燥用犀角地黃湯若初標失解妄用攻
擊補劑膿期必虛抬空殼

陷伏攻補劫劑用藥論

陷家為有餘症之刮劑者百祥丸牛李膏之類為不足
症之刮劑者木香散異攻散之類皆峻烈之劑攻補殊
途寒熱異用施之中病其效固神若誤投之戕生亦速
須審別焉

錢氏曰青乾紫陷昏睡汗出不止煩躁熱渴腹脹喘促
二便不通者裏實也百祥丸為痘歸腎之刮劑然必黑
陷青乾便秘腹脹身黃者以此下之不黑切勿妄下
百祥丸所以瀉膀胱之腑腑瀉則毒自不入臟也何以

不瀉腎腎主虛不受瀉也二服不效反作寒戰咬牙則
毒入腎腎變動為標真臟見症故也可見膀胱受邪而
黑陷者裏虛也不可用百祥丸下之復惡寒不已身冷
汗出耳尻反熱者死因腎水太旺脾虛不能制也若下
後氣溫身熱者火氣去也欲飲冷水者餘邪未盡也若
下後去盡黑糞身熱氣溫耳尻變冷者生之機也宜補
脾胃服後漸下黃糞痘自轉色

十二味異攻散治痘不起發不光澤不結痂或瀉或渴

腹脹氣促表裏虛寒手足指冷煩渴咬牙飲熱不知陽
虛脫陷之症急用此方

十一味木香散治痘不紅活不光澤不起發泄瀉腹脹
喘促口渴驚悸汗出氣急足冷寒戰咬牙飲水愈渴欲
痂不痂欲落不落津液枯少內虛外熱之症急用此方
以救胃氣

朱丹溪曰陳氏木香異攻二散可謂苦求病情者其意
歸重足太陰脾經手太陰肺經肺主皮毛惡寒而易於

感冒脾主肌肉惡濕而無物不受觀其用丁香官桂所以治肺之寒半夏附子所以治脾之濕也使肺與脾果有寒濕重而用之中病即已何傷之有今但見出遲者身熱者泄瀉者驚悸者氣急者不問寒熱虛實猝投二方中者效而不中者死然瀉用溫藥瘁塌用補陳氏獨得之秘愚以木香異攻二散皆虛寒之要劑但多用肉桂丁香附子木香恐虛而不寒者悞事故須審症口渴引飲下利稠粘者為實熱渴飲熱湯手足不熱者為虛

熱不渴手足厥冷下利清白赤者為虛寒

黑陷瘁塌錢主大戟之寒以下之陳主丁桂之熱以補之若有異矣不知錢之所下乃邪氣在裏裏實之症煩躁大小便秘是也陳之所補乃邪氣在表裏虛之症泄瀉手足冷是也虛則補之即錢氏有溫涼藥治之說實則瀉之即陳氏三味消毒散利以微而即住之法錢在解毒陳在補虛未嘗不合

痘陷有五魏桂岩皆責以氣虛若唇燥舌胎壯熱撩人

其色焦紫凹陷不起果為虛乎此治外實則當解之治
內實則當清之也如果唇舌淡潤身無壯熱惟色變而
陷乃可責其氣虛方用溫補之藥若內外無雜症又當
平劑以調之故曰藥隨舌轉病由舌痊信哉

治案

一血熱痘初失涼解至六七日方服黃芩黃連當歸生
地連翹紅花方起脹灌漿又不服藥九朝變黑仍用前
藥加金汁及人牙散其勢稍緩又用黃連紅麴木香燈

心犀角連翹黑色俱散唇眼俱清而愈

參歸鹿茸湯

人參 當歸

鹿茸

酒塗去毛

黃芪

桂圓

生薑煎入好

酒半盞服

參麥清補湯

歸身

地黃

紅花

桔梗

生黃芪

花粉

人參

麥冬

山查

牛蒡

前胡

萬密齋方

人參 黃芪 甘草節 當歸 地黃 赤芍 牛蒡

連翹 金銀花 紅花子水煎

四順清涼飲

歸尾 白芍 川芎 大黃

奪命丹

蟬脫 紫草 麻黃 人中黃 升麻 山豆根 紅

花子 牛蒡 連翹

無比散 治內熱之極不能外散

辰砂 膩粉 冰片 射香 牛黃新汲水調滴猪尾
血二三點服後安睡取下惡物粘滯一方有蟾酥

獨全散

山甲取其嘴上前足上者酒浸一宿炒黑為末每服一
錢加射香半分酒煎紫草湯或保元湯下

山梔湯

山梔 黃芩 石膏 知母 杏仁 大青 柴胡

豆豉 赤芍 升麻 甘草

絲衣化毒湯

絲衣近蒂者五寸 升麻 酒芍 生甘草 黑豆

赤小豆 犀角汁沖服

麻黃解毒湯

麻黃 升麻 防風 元參 酒芩 酒栢 人參

連翹 甘草 木通 牛蒡 石膏

小靈丹

大蟾心肝 煅乳香 沒藥 硃砂 雄黃 麝香 猪

心雞冠血為丸如皂子大每服一九酒下熱甚者紫草湯下

大靈丹

滑石 雄黃 犀角 硃砂 冰片 麝香右為末另研又用升麻 防風 牛蒡 薄荷 紫草 紅花 黃連 甘草煎成膏去滓入蜜四兩煎至滴水成珠和前藥為丸金箔為衣每服一九燈心湯下

三乙承氣湯

大黃 芒硝 厚朴 枳實 甘草

涼膈散

連翹 薄荷 黃芩 山梔 甘草 大黃 朴硝

千金內托散

當歸 黃芪 人參 酒芍 川芎 山查 甘草

官桂 木香 防風 白芷 厚朴 桂圓 生薑

人參歸芪湯

黃芪 人參 當歸 川芎 白朮 甘草 山查

紅花 官桂

木香豆蔻丸

赤石脂 枯礬 訶子 肉蔻 木香 砂仁麴糊為

丸如黍米大每歲一丸

獨味麻黃散

麻黃去節蜜炒水煎熱服避風

白花蛇散

白花蛇 炙乾一兩 大丁香 三十粒 共為末熱酒送下

丁胡三建湯 治虛陷

母丁香 胡椒 人參 川芎 鹿茸 川烏 官桂

煨薑 炙甘草

雄參湯

人參 天雄薑汁煮
去皮 煨薑

清毒活血湯

紫草 當歸 前胡 牛蒡 木通 生地 白芍

連翹 桔梗 酒芩 酒連 山查 人參 黃芪 煩

渴去參芪加麥冬花粉

回生丹

防風 白芷 黃芪為末每服一錢

柴胡湯

人參 蘇葉 桔梗 前胡 陳皮 茯苓 枳殼

生薑 木香 半夏

牛黃丹 治膿期便秘

大黃 寒水石 牛黃 粉霜 硃砂蜜丸如黍米大

每服十丸人參薄荷湯下

倒靨方

人牙 蜈蚣 山甲共為末紫草煎湯調下

排毒散

大黃 白芷 沈香 山甲 歸尾

黑陷方

硃砂 雄黃 冰片 蟾酥 猪尾血為丸如麻子大

每服一丸薄荷湯下

大元丹

小兒初生胎糞為末服

二陳散 治灰陷白陷

丁香 乾薑

羅浮方 治灰陷白陷

烏梢蛇 殭蠶 山甲 全蠍 官桂 黃芪

海上方

壁蟾窠珠每歲加雄黃一分同研燒酒下

一七金

穿山甲

燒紅麴

川烏共為末葱頭煎湯調下

紫金散

紫草

蟬脫

牛蒡

威靈仙

冰片酒調服

化毒湯

紫草

升麻

甘草

粘米煎服

牛李膏

治黑便秘裏實

牛李子汁瓦器中煎成膏丸如皂子大又煎杏膠湯下

原方入麝香少許桃膠湯下其子青時染綠色

十二味異攻散

人參 木香 陳皮 半夏 丁香 肉蔻 白朮

茯苓 官桂 熟附 厚朴 生薑

十一味木香散

木香 腹皮 桂心 人參 赤苓 青皮 丁香

半夏 訶子 前胡 甘草

朱恒田方

即前方去木香官桂茯苓加陳皮一去木香青皮前胡加當歸

水痘赤痘門

初出紅點有類於痘亦身熱三日而出或咳嗽面赤眼
瞢噴嚏垂涕不出三日而灌清漿漿滿即破皮乾而結
痂亦有淡紅根盤但歪邪不正與正痘不同先出先漿
斷續不齊此由風熱入於氣分外邪毒輕不能作汗而
發也初起時宜升發水泡時宜解散膿成時宜斂之忌

用燥濕發之藥恐潰膿成瘡

失於解散風寒不作膿而結疤乾粘身熱煩躁者用荆防敗毒散加葛根連翹牛蒡木通蟬脫枳殼

不易生長煩熱口渴者宜微汗之用百解散

失於解散致毒乘陽明上唇生疔潰齒穿鼻者用清胃湯合解毒湯

夏月稠密毒盛間有黑陷壯熱煩渴便秘者用三黃丸香薷飲合黃連解毒湯

失於解散膿瘡不斂者宜收斂解毒外敷綿繭散
魚疹者用荊防敗毒散

赤痘

與水痘無異但膿漿赤色耳此風熱入血分也亦以正
痘為主用涼血藥

治案

一痘紅盤粗肥間有細密隱隱者此水痘夾疹也內症安
寧但表邪宜散用葛根湯加荊芥防風連翹白芷而愈

一水痘不膿而乾枯身熱煩躁此同乾倒靨也用葛根湯加荊芥防風連翹牛蒡木通蟬脫而愈

一兒遍身發紅點此餘毒未散也用荊防解毒湯而愈
夾斑門

斑者血之餘也以清解為主不可表汗汗則開洩發生恐成斑爛惡痘發斑勢所必至無論顏色皆為犯剝必須觀部位察形色驗唇舌以為準的

部位

斑現方廣年壽毒峻而害深也斑現兩臉顴阜毒存於心也斑現喉突心窩毒形於肺也斑現眼胞臂垂毒乘於肝也斑現腮夾肚腹毒移於脾也斑現手足及背則不現者腎絕而真元散也此皆凶症

形色

一如雲錦 成片隱於肉而與俱平者陽明胃主之因熱毒鬱遏熬煎陰血致榮衛失護血任三焦之火散漫於肌膚間耳

一如蚊咬 洒洒晰晰有色點而無頭緒顆粒少陰心
主之心主血脈其色正赤心火大盛移傷於脾不能運
血逆滯肌膚現於遍身非紅則紫

斑色紅者脾熱也易治斑色赤者胃熱也難治斑色青
黑者胃爛也不治之症因毒不能泄亟用四順清涼飲
以利之

日期吉凶

痘一日而發斑火剋金也二日而發斑毒蒸陽明也俱

逆候也三日而發斑則陰陽相拂真元已漓滋水解毒
解熱猶或可救

斑分生死

熱閉血而發斑因元氣內虛正不勝邪血為熱毒壅閉
不能發痘乃於肚腹毛竅之間滲出血點如蚊跡蚤痕
斑必盛痘必衰毒入於心也三日紫紋如指頭大將變
黑色毒攻歸腎也失解胃火內已作腐口氣大臭站立
不起腰疼腹痛眼白紅色眼胞舌胎脇下有斑乃胃爛

也

斑如箸頭大色潤紅活兩脇有痘

雜症

陽斑宜清毒化斑

陰斑宜調中溫胃

陰陽二斑皆從火化急則治標緩則治本

陽毒發斑壯熱煩渴兩目如火脈洪有力色赤黑紫熱毒入胃內外挾熱而發斑也宜清熱化斑用元參升麻

湯合白虎湯或化斑湯

陰毒發斑身無大熱手足指甲俱青脈沉細而急色微紅而暗此無根之火聚胃薰肺而發斑也宜調中溫胃則火自降斑自退矣用升麻鼈甲湯此症若要妄投涼劑則生變矣

痘初發斑宜表散其火邪活血解毒用荆防敗毒散元參升麻湯加石膏黃芩荊芥芍藥川芎當歸或升麻湯加紫草蟬脫犀角汁化下烏金丸

灌膿發斑宜解利

痘後發斑不紅不腫者用人參白虎湯加元參大青生地
痂後發斑乃餘毒也其斑必爛宜解利之用解毒湯加
川芎當歸黃芩石膏甚則大連翹飲外敷生肌散

血熱發斑乃六經火盛逼血成斑也用解毒化斑湯甚
者用蘇木使血附痘成漿則斑自退矣

逆血發斑乃兒受跌蹠責打故發熱之極臍下發稜角
斑也用破逆化斑湯合解毒化斑湯

內傷發斑者赤色便秘腹脹是也用調元承氣湯

胎毒發斑宜砭去其血用犀角解毒湯

兼痘同發宜砭去其血用犀角大黃湯此症亦有內攻喘脹而死者

暑毒發斑用化斑湯合香薷飲

瘟毒發斑用五運丹黃連陳皮湯

風熱發斑者身熱頭疼咳嗽是也用參蘇飲葛根湯
冬溫至春表症未罷痘毒未散而發斑者用黑膏湯

冬溫至春為寒所抑至夏發斑煩悶嘔水者用葛根橘皮湯

放標漸多隨現紅斑皮肉通紅痘乾不起摸不碍手身熱氣粗者乃陽明毒流於肌肉也用木通柴胡桔梗芍藥犀角燈心湯化下烏金膏或人參白虎湯合消毒散或升麻葛根湯加石膏人參元參大青竹葉

初出紅斑如雲頭突起者用元參升麻湯加紅花紫草

黃芩

斑色紅活者用紅花紫草黃芩黃連生地芍藥丹皮牛
蒡青蒿犀角青黛地龍

發斑而咽痛者用前藥加連翹防風元參夏月咽痛用
前藥加升麻桔梗

發斑而狂煩面赤咽痛者用梔子仁湯

嘔利目赤口瘡者用黃連橘皮湯

斑赤煩躁二便秘澀用黑奴丸

發斑身熱口燥用化斑湯加柴胡黃連

痘既出齊而斑不內解者用升麻湯加當歸

斑太多者用前方加葛根板藍元參木通

斑爛者亟宜挑破敷四聖散內服犀角地黄湯化斑湯
加黃芩黃連蘇葉紅花便秘用芒硝大黃

斑既退用四君子湯加黃芪生薑大棗

瀉不止用前方加肉豆蔻須預煎好俟斑退血附痘即
與服之庶免內陷。

妄用溫補身熱便秘者宜解利化斑用四順清涼飲

下後身冷脈沉肢厥用附子理中湯六君子湯

凡發斑等症用元參升麻湯犀角地黄湯而不退者六
七日後必死

治案

一兒發斑口燥舌乾用化斑湯及小柴胡湯加黃連而
愈

一兒發斑嘔吐利下目赤口瘡用黃連橘皮湯而愈

一兒發斑狂煩面赤咽痛用梔子仁湯而愈

一痘後發斑色紫過於溫補身熱便秘用四順清涼飲及解毒化斑湯而愈

一夏月發斑咽痛用升麻元參桔梗牛蒡甘草而愈
一斑由胎毒砭去其血用犀角大青湯犀角解毒湯而愈

一發斑紫色煩躁便秘溺赤此毒盛也用黑奴丸而愈
一發斑赤色腹脹便秘此內傷也用調胃承氣湯下之
反脈沉肢厥用附子理中湯六君子湯而愈

一夏月暑毒發斑用化斑湯合香薷飲而愈

一斑疹並出壯熱煩躁舌胎便秘用調胃承氣湯合葛根湯而愈

元參白虎湯

升麻 犀角 射干 黃芩 元參 知母 石膏

甘草

元參升麻湯

升麻 元參 甘草 石膏

升麻鼈甲湯

當歸 川椒 升麻 鼈甲 雄黃 甘草

解毒化斑湯

前胡 桔梗 山查 木通 丹參 荷鼻 連翹

金銀花 紫草

破逆化斑湯

山查 丹參 荷鼻 蘇木 紫草

犀角解毒湯

犀角 地黃 丹皮 赤芍 白芷 連翹 防風

荊芥 木通

五龍化斑湯

紫草 紅花 木通 白芍 生地 茯苓 蟬脫

金銀花 甘草 燈心

浴斑湯

荊芥 紫蘇 木通 蟬脫 荔枝 枳殼 當歸

楊樹枝煎湯浴

退斑散

石膏 青黛 紫草湯下

五運丹

甘草

甲巳年

黃芩

乙庚年

黃柏

丙辛年

黃連

戊癸年

山梔

丁壬年

香

附 紫蘇 硃砂 雄黃 金箔為衣 依年一味為君

餘等分蜜丸

犀角大青湯

元參 大青 桔梗 知母 石膏 山梔 木通

人中黃犀角沖入燒人屎

化斑散

石膏 紅花 紫草湯下

夾疹夾痧門

麻疹者正疹也形若芥子色若丹斑磊磊皮膚之下隱
隱肌肉之間瑣碎稠密其症憎寒壯熱有似傷寒眼胞
困睡而難起鼻流清涕而不乾咳嗽噴嚏少食煩渴身
疼氣急嘔吐泄瀉腮紅臉赤大便不瀉即秘是也此心

火熏灼肺金故現於肌膚之間痘既現形稀疎而夾疹者易治若痘密而與疹並出則毒相并形相混難治亟用辛涼解發以元參升麻湯加桔梗黃芩令麻疹先退痘毒起發

吉症 痂後出疹此餘毒解散之兆不必治

凶症 咽喉腫痛聲啞水噎不能飲食

李少陽曰痘先疹後痘毒從疹而益解疹先痘後元癸因金熱而益虧信知疹之恃乎肺氣也故疹出未幾而

出痘清肺調胃為主用內托至奇湯加人參白朮麥冬
天冬桔梗甘草當歸黃芩川芎以仁木香之類則乘氣
生發痘自充灌矣

疹先出而夾痘亟宜解毒散疹用荊防敗毒散或升麻
葛根湯加麥冬黃連木香或黃連解毒湯合消毒飲服
後疹不退者凶兆也用犀角地黃湯

疹先出而皮上發出如蚊咬之迹用升麻解毒湯加荊
防風熱渴用人參白虎湯

感六淫之邪痘後出疹用升麻葛根湯加麻黃荊芥防風桔梗前胡杏仁桑皮黃連生地

疹時失解毒滯肺經致痘出而痰嗽喘急者宜疎邪解毒清肺用甘桔湯加前胡牛蒡連翹蟬脫蘇子橘紅

疹時過表致肺氣虛耗毒不易出乾咳連聲不續者用保元湯加五味子麥冬貝母桔梗橘紅

痘時過於實表以致痘後發疹者治宜解散用荊芥防風連翹牛蒡陳皮枳殼甘草白芷黃連

痘時過於溫補以致毒乘肺胃發疹而壯熱痰喘譫煩者先用三黃丸次用竹葉石膏湯加黃連人中黃

發疹而失音泄瀉名漏底癰疹雖散而痘必空殼矣

痘後餘毒未盡風火相搏身熱咳嗽用發疹藥不現不

沒者用芎蘇湯或防風葛根湯外敷天水散蜆殼中水

夾斑疹皆由邪毒蒸肺故斑疹與痘一齊湧出宜解

毒涼血先消斑疹始可收功若邪正夾雜不起發者凶

夾膚疹痘初出時膚如湯沸泡點鮮紅成片現沒無

定者是心腑熱毒所發只以正痘為主則毒散隨沒矣
用敗毒散解毒防風湯

夾癰斑 隱隱在皮膚間不胖不灌不痂成疣瘡多則
發痒者是也其治在脾若麻木者兼痰兼風也色紅者
兼火也用解毒防風湯因內傷外感而發者用調中湯
夾痧 如細粟尖圓而破內含清水熱毒所發也用四
苓散色白者名曰白痧治宜養血用養血化毒湯

治案

一疹後報痘不易長大乾咳連聲不斷此過於發散所致也用保元湯加貝母五味子桔梗橘紅甘草而愈

一痘後出疹失於解散咽喉腫痛聲啞水滄飲食不進倒靨而死

一疹後出痘失於解散痰嗽喘急用甘草桔梗牛蒡連翹蟬脫蘇子疎邪解毒之藥而愈

一痘出數顆而夾疹遍身圓朗紅活兩日盡沒有識者曰痘沒必悶亂煩躁此却安靜且正痘宛在乃疹沒非

痘伏也以平劑而愈

一兒身熱咳嗽痘出隱隱以藥發之而不見不沒此風寒鬱而不散乃隱疹也非正疹也用芎蘇散而愈

敗毒散

蟬脫 牛蒡 荊芥 桔梗 葛根 升麻 紫蘇

川芎 羌活 薄荷 前胡 枳殼 山查 青皮

甘草

解毒防風湯

黃芪 防風 荊芥 牛蒡 枳殼 白芍 地骨皮
調中湯

陳皮 白朮 半夏 藿香 砂仁 人參 茯苓
甘草

養血化斑湯

歸身 生地 紅花 蟬脫 枳殼 人參

清和湯

紫草 生地 貝母 麥冬 陳皮 茯苓 牛蒡

紅花 當歸 甘草

夾丹門

紅腫疼痛遊走上下如紅蛇盤遶如錢如帶如索如葉
赤色成片手不可近蓋毒鬱於心經故發此丹也初時
宜輕劑散其火邪兼活血解毒痘後宜用解利大約與
治疹參用

有煩躁腫脹者切忌寒涼及寒藥塗敷往往有治丹而
痘反陷者不可不慎故治丹只宜托痘痘出則丹自淡

外用生地防風湯或化斑湯浴之內服元參升麻湯六
味化毒丹或芍藥生地甘草木通荊芥防風升麻元參
痘前丹瘤心肝熱也用乳磨犀角丹皮芍藥生地燈心
痘後丹瘤此惡候也頭面起者過心則死足下起者過
心腎而死內服元參化毒湯小柴胡湯合生地黃湯一
云宜去當歸黃芪人參芍藥外用砭法以洩其熱或用
蟬針法

發丹部位

眼眦發丹腫似胡桃者宜清肝以防傷目

腮臉發丹腫似塗硃者宜清心以防捲簾

頸項頭面發丹痰嗽咽痛者宜清肺以防聲啞又用黃

連紫草山梔車前

胸膈發丹壯熱嘔逆者宜和胃

肚腹發丹腸鳴絞痛者宜和脾

背脊發丹虛驚多汗者宜鎮心

手足發丹陽明毒重不能灌漿者宜理脾胃

治案

一痘感暑毒痂後頭發珠子火丹用香薷飲合犀角地黃湯加荊芥防風連翹薄荷而愈

夾癰門

癰為痰毒風熱血熱凝結而成結於頭項耳後兩脇如桃如柳如瓜如棗破潰泄氣其勢甚危當審日期先後氣血厚薄然後施治痘漸起發癰漸退者吉癰自起突而痘反退伏者凶痘與癰一齊起發者成膿亦無害

癰已紅腫而痘即標點恐癰膿一潰元氣耗散不能成
功起發治宜表托毒盛則消其毒元虛則補其元用荆
芥防風桔梗木通蟬脫芍藥生地

痘出而隨發癰宜補托消痰解毒忌用寒涼燥耗之味
痘三四日而癰作毒隨痘泄膿隨痘灌挽回獲全用三
消散

七日灌膿黃蠟而癰作宜保護元氣而兼消毒用冲和
飲

痘子初標癰潰流膿泄氣致元氣虛弱宜用黃芪衛生湯加人參當歸芍藥川芎紅花防風桔梗

治案

一痘勻朗紅潤腮腫青紫熱甚煩躁此痘先塊後名鬼捏惡候亟與紫金救焚散而愈此症若緩治則毒氣攻心驚攔而死

一痘三日耳前紅腫如桃用葛根湯加荊芥防風桔梗牛蒡而愈

三消湯

花粉 蟬脫 半夏 川芎 當歸 茯苓 甘草

木通 紅花 生地 芍藥 牛蒡

冲和飲

人參 黃芪 麥冬 柴胡 防風 荆芥 桔梗

連翹 當歸 花粉

發癰方

木通 生地 黃芪 桔梗 當歸 芍藥 牛蒡

蟬脫 甘草 茯苓 僵蠶上加升麻麥冬下加牛膝

山茨菇

夾疫癘門

痘原於胎毒必感不正之氣而出如冬溫陽氣暴泄來
歲必感痘疹小雪後為氣之終太陽寒水主之冬溫則
水德不彰木火反乘之痘毒藏至陰之下發於太陽之
經當其時而動真氣毒乃為邪疫傳染不正之氣所發
矣治者勿犯歲氣發之泄之解之平之以解毒為主用

代天宣化丸升麻葛根湯

遍體蒸蒸發熱穢氣沖人大小傳染口不言眼不睜食
不思沉沉昏睡手足牽掣者蝦蟆瘟也痘症值此易於
變動朝榮夕萎宜慎審治用蒼朮硃砂黃連藿香茯苓
桔梗木通生地陳皮

口吐白沫煩躁譫語用前方加麥冬紫草石膏
見邪見鬼不治之症

治案

一兒季春出痘疫氣亢極便秘用十神解毒湯及升發之藥而愈

一季春出痘七朝順朗亢極便秘狂煩芒刺黑胎空處隱有黑點此感疫氣也用大承氣湯利之及理氣血之藥而愈

夾風寒傷寒門

風寒壅塞腠理痘毒無從出路宜審日期施治未發痘之初宜疎解微汗用升麻湯和解湯參蘇飲既發痘

之後宜涼血滋陰疎表用保元湯加生薑肉桂

灌漿之時風寒未解不可峻用解散發泄之劑用保元湯加生薑肉桂次用水楊浴法以散其表蓋內外相攻風寒易出痘亦易漿也一云須少用柴胡而兼舉法滋陰八九日痘瘡本虛又感風寒切不可因外邪而失調元氣用保元湯加柴胡

痘初出夾傷寒傷寒之邪自表而入裏痘家之毒自裏而達表當治痘而兼治傷寒用柴胡葛根麥冬茯苓山

查木通蟬脫有食加廣皮

傷寒後元氣虛弱而痘隨出乃危症也用滋陰三寶飲
傷寒四五日而出痘煩躁譫語者用小柴胡湯竹葉石
膏湯加犀角紫草兼疫癘者加青蒿桃核代天宣化丸
兼停食喘脹者略用小承氣湯微下之陰症加人參附子
夾內傷門

痘夾內傷須看顏色

初標時宜疎表化食解毒升發

痘齊時根顆淡白軟弱宜滋水疎發少用補藥
灌期時痘色紅紫宜涼血解毒補養舉發內托

將痂時根顆淡紅灰白軟弱法宜重補用保元湯加當

歸鹿茸

痂後日多寒熱併作不宜重補用四製白朮散

治案

原闕

四製白朮散

白朮一斤分四處 一用砂仁同炒 一用麩皮同炒

一用東壁土同炒 一用缺二同炒為末入乳沖酒

服

夾癆門

素患癆怯而出痘咳嗽壯熱羸瘦一切大寒大熱之味

俱不可用天陽丹若嗽極難睡加款冬花梨汁

天陽丹

紫河車

炙乾

人參

生地


麥冬

茯苓

當歸

人乳

蜜煎膏子



仁端錄卷十四